

UGOVOR
O KUPOPRODAJI SLUŽBENIH MOTORNIH VOZILA

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO**, La Benevolencija br. 16, koje zastupa ministar unutrašnjih poslova Vedran Mulabdić, (u daljem tekstu: Kupac)
2. **“PORSCHE BH” d.o.o Sarajevo**, Bulevar Meše Selimovića broj 16, kojeg zastupaju direktor Vaszi Andor Alex i izvršni direktor Senad Olovčić, (u daljem tekstu: Prodavac)

Član 1.

Predmet ovog ugovora je nabavka dva (2) motorna vozila marke VW -PKW Polo Trendline 1.6 TDI (lot 1) i jedno (1) motorno vozilo marke Škoda-Octavia Ambition 2.0 TDI (lot 2), za potrebe Kupca, po objavljenom obavještenju o nabavci broj 1364-1-1-11-3-16/18 od 06.04.2018. godine, na osnovu Odluke o izboru ponuđača broj 01-14-4-28891/18 od 17.05.2018. godine.

Ponude Prodavca broj 44315-049684 i 44731-049686 sastavni su dijelovi ovog ugovora.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Prodavca na osnovu koje je, zajedno sa elementima iz tenderske dokumentacije i sačinjen ovaj ugovor.

Vrijednost ugovora sa uključenim PDV-om za lot 1 iznosi 61.600,00 KM (šezdesetjednanaeststotina KM).

Vrijednost ugovora sa uključenim PDV-om za lot 2 iznosi 39.225,00 KM (tridesetdevećiljadadvijestotinedvadesetpet KM).

Ukupna vrijednost ugovora sa uključenim PDV-om iznosi 100.825,00 KM
(stotinuhiľiljadaosamstotinadvadesetpet KM).

Član 3.

Prodavac se obavezuje da će robu iz člana 1. ovog ugovora isporučiti najkasnije u roku od šezdeset (60) dana od dana potpisivanja ovog ugovora.

Sve troškove isporuke do primopredaje, kao i troškove reklamacije snosi Prodavac.



Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. i 2. ovog ugovora.

Član 4.

Plaćanje izabranom ponuđaču će se izvršiti u roku od 30 dana od dana isporuke robe i ispostave računa.

Član 5.

Cijena i ostali elementi ovog ugovora se ne mogu mijenjati.

Prodavac je dužan u roku od deset (10) dana od dana zaključivanja ugovora, dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 6.

Ukoliko Kupac ocijeni da ponuđena roba nije u skladu sa datom ponudom iz člana 1. ovog ugovora, Kupac može jednostrano, bez saglasnosti Prodavca, raskinuti ovaj ugovor.

Član 7.

Garancija Prodavca na isporučena motorna vozila VW-PKW Polo Trendline 1.6 TDI je tridesetšest (36) mjeseci od dana isporuke, dok je garancija na isporučeno motorno vozilo marke Škoda-Octavia Ambition 2.0 TD četiri (4) godine ili pređenih 120.000 km od dana isporuke.

Prodavac se obavezuje da, po potrebi Kupca obezbijedi originalne rezervne dijelove i servisiranje vozila koje pokriva garancija u toku trajanja garantnog perioda.

Ova obaveza Prodavca se ne odnosi na kvarove koji nastupaju kao posljedica nestručnog rukovanja i više sile.

Član 8.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 9.

Eventualno nastale sporove pri realizaciji ovog ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Član 10.

Svaka od ugovornih strana može otkazati ovaj ugovor u pisanoj formi, uz otkazni rok od petnaest (15) dana iz razloga koji su utvrđeni Zakonom o obligacionim odnosima.

Član 11.


Ovaj ugovor stupa na snagu danom potpisivanja obje ugovorne strane.

Član 12.

Ugovor je sačinjen u četiri (4) istovjetna primjerka, od kojih po dva (2) primjerka ugovora zadržavaju obje ugovorne strane.

PRODAVAC

PORSCHE BH d.o.o Sarajevo


Direktor
Porsche BH
d.o.o.
Vaszi Andor Alex

Izvršni direktor

Senad Olovčić

Broj: *B-532/18*

Datum: *07.07.2018.*

KUPAC

**MINISTARSTVO UNUTRAŠNJIH
POSLOVA KANTONA SARAJEVO**


Ministar
Vedran Kulabdić
Vedran Kulabdić

Broj: *01-11-4-4718*

Datum: *26.08.2018*